



**Broj: 01-199/18**  
**Vareš, 31.10.2018. godine**

Na osnovu člana 13., tačka c) i stava 3. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06, 43/08, 22/09, 35/14 i 94/15), člana 36. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06, 51/09) i člana 22., tačka 6. Statuta Općine Vareš (prečišćeni tekst), broj: 01-162/12 od 11.09. 2012. godine, Općinsko vijeće Vareš, na 20. sjednici održanoj dana 31.10. 2018. godine, d o n o s i

## **O D L U K U**

### **o izmjenama i dopunama Odluke o općinskim administrativnim taksama**

#### **Član 1.**

U Odluci o općinskim administrativnim taksama, broj:01-23/10 od 03.02. 2010. godine, odjeljak II. Oslobođanje od plaćanja takse, član 13., stav 1. se mijenja tako da se iza alineje 10. dodaje alineja 11. koja glasi: "fizička i pravna lica prilikom osnivanja bilo koje djelatnosti".

#### **Član 2.**

U Tarifi općinskih administrativnih taksi, odjeljak II. Rješenja, tarifni broj 3., alineja 1. se mijenja tako da glasi: "1. Za donošenje rješenja o produženom radnom vremenu ugostiteljskog objekta 40,00 KM".

#### **Član 3.**

U Tarifi, odjeljak IV. Izvodi iz matične evidencije, tarifni broj 5., alineje 3. i 4. se mijenjaju tako da glase:

- "3. Za izdavanje izvoda i uvjerenja na internacionalnim obrascima 12,00 KM  
4. Za ostala uvjerenja/potvrde koje izdaje matični ured 7,00 KM."

#### **Član 4.**

U Tarifi, odjeljak V. Ovjere, tarifni broj 6. se mijenja tako da glasi:  
"Za ovjeru potpisa, rukopisa i prepisa:

- |  |          |
|--|----------|
| 1. Ovjera svakog potpisa (bez obzira na sadržaj dokumenta)                               | 2,00 KM  |
| 2. Ovjera prepisa originala formata A4 (bez obzira na sadržaj dokumenta)                 | 2,00 KM  |
| 3. Ovjera kopija rješenja o registraciji privrednog društva, bez obzira na broj stranica | 5,00 KM  |
| 4. Ovjera potpisa i rukopisa van službenih prostorija, po svakoj ovjeri                  | 10,00 KM |
| 5. Ovjera trgovačkih knjiga  | 10,00 KM |

Napomena:

- 1) Prilikom ovjere više primjeraka istog dokumenta, svaki sljedeći primjerak se plaća 1,00 KM.
- 2) Prilikom ovjere kopija rukopisa i prepisa pisanih na stranom jeziku, plaća se dvostruki iznos takse iz ovog tarifnog broja".

#### **Član 5.**

U Tarifi, odjeljak VIII. Samostalno obavljanje djelatnosti, tarifni broj 11. se briše u skladu sa članom 13. stav 1., alineja 11.

#### **Član 6.**

U Tarifi, odjeljak VIII. Samostalno obavljanje djelatnosti, tarifni broj 12. se briše u skladu sa članom 13. stav 1., alineja 11.

#### **Član 7.**

U Tarifi, odjeljak VIII. Samostalno obavljanje djelatnosti, tarifni broj 13. se briše u skladu s članom 110. Pravilnika o uvjetima minimalno tehničke opremljenosti poslovnih prostora za obavljanje trgovine i trgovinskih usluga ("Službene novine Federacije BiH", broj: 49/12).

#### **Član 8.**

U Tarifi, odjeljak VIII. Samostalno obavljanje djelatnosti, tarifni broj 14. se briše u skladu s članom 13. stav 1., alineja 11.

#### **Član 9.**

U Tarifi, odjeljak VIII. Samostalno obavljanje djelatnosti, tarifni broj 15. se mijenja tako da glasi:

"Za donošenje rješenja:

- |  |           |
|--|-----------|
| 1. Izmjena predmeta poslovanja, naziva radnje, sjedišta i načina obavljanja odobrene djelatnosti | 30,00 KM  |
| 2. Privremena obustava obavljanja odobrene djelatnosti   | 10,00 KM  |
| 3. Trajna odjava radnje (djelatnosti)  | 10,00 KM  |
| 4. Nastavak obavljanja djelatnosti po privremenoj obustavi                                       | 10,00 KM" |

#### **Član 10.**

U Tarifi, odjeljak VIII. Samostalno obavljanje djelatnosti, tarifni broj 16. se briše u skladu s članom 13. stav 1., alineja 11.

#### **Član 11.**

U Tarifi, odjeljak VIII. Samostalno obavljanje djelatnosti, tarifni broj 17. se mijenja tako da glasi:

"Za donošenje rješenja o ispunjavanju minimalnih i drugih uslova nekategorisanih ugostiteljskih objekata 50,00 KM".

#### **Član 12.**

U Tarifi, odjeljak IX. Prostorno uređenje i građenje, tarifni broj 21, se mijenja tako da glasi:

"Za rješenja kojima se izdaju urbanističko-tehnički uslovi građevinskog objekta:

- |  |           |
|--|-----------|
| 1. Pomoćni privredni objekti (šupe, štale i garaže)                | 27,00 KM  |
| 2. Poslovno-proizvodni objekti:                                    |           |
| a) površine sa spratnošću do 50m <sup>2</sup>                      | 90,00 KM  |
| b) površine sa spratnošću od 50m <sup>2</sup> do 300m <sup>2</sup> | 270,00 KM |
| c) površine sa spratnošću preko 300m <sup>2</sup>                  | 450,00 KM |
| 3. Stambeni objekti (zgrade, porodične kuće i vikendice)           |           |
| a) površine do 100m <sup>2</sup>                                   | 45,00 KM  |

b) površine od 100m <sup>2</sup> do 300m <sup>2</sup>	135,00 KM
c) površine preko 300m <sup>2</sup>	225,00 KM
4. Ostali objekti (putevi, dalekovodi, vodovodi i drugi infrastrukturni objekti)	225,00 KM"

#### **Član 13.**

U Tarifi, odjeljak IX. Prostorno uređenje i građenje, tarifni broj 19. se mijenja tako da glasi:  
 "Za izdavanje rješenja u postupku utvrđivanja zemljišta potrebnog za redovnu upotrebu zgrade, predaje zemljišta u korist državne svojine, utvrđivanje prava u postupku privatizacije, utvrđivanje prava služnosti, utvrđivanje prava korištenja zemljišta za izgrađeni objekt  
 .....50,00 KM."

#### **Član 14.**

U Tarifi, odjeljak IX. Prostorno uređenje i građenje, tarifni broj 22. se mijenja tako da glasi:  
 „Za odobrenje za izgradnju:

1. za pomoćne privredne objekte(šupe, štale i garaže)	27,00 KM
2. za poslovno-proizvodne objekte	90,00 KM
3. za stambene objekte (zgrade, porodične kuće i vikendice)	45,00 KM
4. za ostale infrastrukturne objekte	90,00 KM

#### **Član 15.**

U Tarifi, odjeljak XI. Vodoprivreda, tarifni broj 25. se mijenja tako da glasi:  
 "1.Za izdavanje prethodne vodne saglasnosti, vodne saglasnosti i vodne dozvole  
 ..... 30,00 KM".

#### **Član 16.**

Ova Odluka stupa na snagu osmog dana od dana objavljivanja na oglasnoj ploči Općine Vareš.

**PREDSJEDAVAJUĆI  
OPĆINSKOG VIJEĆA**

**Adis Čizmo**

Ova Odluka je objavljena na oglasnoj ploči Općine Vareš dana 01.11. 2018. godine.

**OPĆINSKI NAČELNIK**

**Zdravko Marošević**

## **O b r a z l o ž e n j e**

### **1. Pravni osnov**

Pravni osnov za donošenje ove odluke sadržan je u odredbi člana 13. stav 3. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06, 43/08, 22/09, 35/14 i 94/15) kojom je propisano da općinska vijeća donose propise kojima se utvrđuje visina naknada po osnovu korištenja i uređenja zemljišta, kao i visina drugih naknada, novčanih kazni i taksi u njihovoj nadležnosti, u odredbi člana 36. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06, 51/09) kojom je propisano da u zakonom propisanim okvirima jedinice lokalne samouprave donose propise o naknadama i taksama, kao i provedbene propise o oporezivanju, te u odredbi člana 22., tačka 6. Statuta Općine Vareš (prečišćeni tekst), broj: 01-162/12 od 11.09. 2012. godine, kojom je propisano da Općinsko vijeće u okviru svoje nadležnosti donosi propise o porezima, taksama, naknadama i doprinosima u skladu sa zakonom.

### **2. Razlozi za donošenje**

Općina Vareš je 15.02. 2018. godine potpisala Ugovor o suradnji s Međunarodnom finansijskom grupacijom (International Finance Corporation IFC) iz Grupacije Svjetske Banke, s ciljem provođenja projekta LIFE (Local Investment Friendly Environment – Poboljšanje poslovnog okruženja).

Kao dio projekta, IFC i Općina Vareš surađuju u izvođenju aktivnosti na regulatornoj reformi općinskih propisa i procedura, poboljšanju transparentnosti i privlačenju investicija.

Iz tih razloga, trebalo je prilagoditi postojeću Odluku o općinskim administrativnim taksama u smislu usuglašanih preporuka koje je izradila radna grupa za provođenje Projekta poboljšanja poslovnog okruženja i konkurentnosti u Općini Vareš.

### **3. Finansijska sredstva**

Za provođenje ove odluke nisu potrebna su dodatna finansijska sredstva.

Predlažem da Vijeće prihvati ovu odluku u predloženom tekstu.

**PREDLAGAČ:  
OPĆINSKI NAČELNIK**

**Zdravko Marošević**